




PA SALI YUDA HENDE CU A BOLTER CU BOTO SEARCH & RESCUE A PERDE NAN BOTO KRAK



ORANJESTAD(AAN):Un informacion cu a dreña en- cuanto dos boto cu a bolter a haci cu e personal di Search and Rescue mester a sali pa lama bruto pa asina bay scapa esnan cu tabata abordo.

Segun por a compronde cu polis a ser avisa di e caso aki y hasta a combersa cu un tes- tigo cu a mira loke cu a pasa.

Tambe e avion di CITRO a sali for di Curaçao pa bin Aruba y cuminsa cu un bus- keda na Puntra Brabo cu ta conoci pa e olanan malo.

Aparentemente e personal di Search and Rescue a haya informacion for di e personal di e avion militar unda nan a mira un persona ta landa y cu lo ta un di esnan den e boto cu a bolter.

Search and Rescue a sali cu e boto Krak pa e lama malo y saliendo for di e di dos boei a

topa cu un ola grandi cu a paga e motor di e boto.

No a keda nada otro pa tira anker mesora pa evita cu e boto ta ser manda tera y des- pues cu esaki a pasa a bin un ola di sorpresa cu a lanta e boto y bolter e boto y man- dando tur tres tripulante awa.

Mirando e experiencia cu e tripulantenan di Krak tin a haci cu nan no a perde cabez y a cuminsa drief y landa di- reccion di tera.

Asina tur tres a yega sano y salvo mientras cu un rato des- pues e lama bruto a benta e boto tambe riba baranca la- gando esaki tur destrui.

Pa loke ta esnan cu a bolter cu boto y pa cual Search and Rescue a sali pa nan no por a saca afor si nan a yega tera y si nan no a yega den curso di awe nan familiar lo bati alarma sigur.